


謝適
幼槃詩集

幼槃彙什奉甚罕自兼歷向謝方伯在抗抄
自由府外尚始有傳本凡詩七卷文三卷通
十卷此僅抄去詩七卷標題文集仍舊本
也漁洋居乃錄第廿六卷之其註



臨川謝逸字無逸其文章學業為指紳推重以其所居
溪堂稱之曰溪堂先生弟邁幼槃以字行兄弟以詩鳴
江西有文集合三十卷邦之學士欲刊之以貽永久積
數十年而未能也粵紹興辛未趙公朝議來守是邦暮
年政成民服其教慨然思以儒雅歸吏事命勒其書于
學宮以稱邦人之美意昌言以鉛槧董茲職於是搜訪
闕遺以相參訂晚得溪堂善本於前學正易歲又得幼
槃善本於其子敏行歲知溪堂出處甚詳敏行連所其
父詩律有典刑其編次是正可無恨矣刀筆方興士大
夫翕然稱贊工未訖功而四方願致其集者日至以是

知二公之名重當時欲見其書者惟恐後也聞之鄉老
無逸之交游無非天下名士其後幼槃聲聞寔廣與之
並驅而爭先既沒之後為之傳序為之哀詞祭文者甚
衆今未暇博詢而編錄也特取舍人呂公之所書摹其
真蹟于後庶幾因呂公之文而不失二公文行之實云
壬申冬十一月辛卯朔建康苗昌言題

謝康樂詩規摹宏遠為一時之冠而立暉詩清新獨出
又自有過人者後之善言詩者于二公蓋未敢有所優
劣也本中竊以為無逸詩似康樂幼槃詩似立暉此平
等之論也紹興三年秋自嶺外北還過臨川去幼槃之
沒十八年矣始盡得幼槃書于其子長訥所伏讀累日
益知前語之不謬雖然幼槃與其兄無逸終身厲行在
崇寧大觀間不為世俗毫髮汙染固後進之師也其文
字之好蓋餘事爾後之學者尊其行并學其文可也學
其文不究其行則非二子立言之本志九月二十日呂
本中書

幼槃詩文不傳於世此本從內府借出時方迺寒京師
備書甚貴需鉅旅邸費用不贖乃自為鈔寫每清霜呵
凍十指如槌築二十日始克竣帙藏之於家亦足說一
段奇事也萬曆己酉十二月十四日辛酉晉安謝肇淛

謝幼槃文集卷第一

古詩

賦陳虛中振芳堂

青腰按節臨天闕，幻成圭璧驚人寰。一朝忽起枯槁想，墮
作人間冰雪顏。國香端擬避清絕，鳳車安得窺幽閑。雪中
長疑肌起粟，挽住直恐乘風還。風流別來似何遜，哦詩興
健排江山華堂燒燈呼客醉。况引玉頰依瑤闌，廣平題賦
工婉媚。杜陵索句愁飛翻，小人徑欲悟香疾。何當步統橫
斜間。

雙蓮閣



水芝凝露披芳塘淺粧濃畫爭煌：其間艷異不世出連
芳並蒂知何祥有如一座兩殊色盈：植立漢昭陽九回
沉水不須沐風梳露洗皆生香公如瑤林映紅粉粲然一
笑傾澄觴故開華閣掛銀榜大篇金薤垂琳琅吾聞草木
正瑞世策蒲扇暑芝生房須煩丹青頽陸手貌取絕艷歸
明光

三益齋

元龍湖海豪蓋代聲藉：只今觀耳孫才皆萬夫敵叔分
美無度伯也古遺直當年種玉翁十龍襲裘雙璧期公垂天
雲佐郡試戢翼尚開柴桑徑引領望三益嘗聞築燕臺千
里走樂劇市骨捐千金廐乘盡虎跡公乃真好事展履見
逢掖定知子輿輩一笑皆莫逆

顏魯公祠堂

上皇御宇無長策牧羊奴子孤恩澤銀菟分印屬兕曹二
十餘州齊陷賊常山死守平原拒公家兄弟聲名白平原
白首立班行忠義凜：真嚴霜歷事四朝唯一節當年舌
舐中丞血豈知丞相面如藍貌雖夷易心嶮岩老臣何罪
死虎口到今誰為祛其銜臨風志士長悲吒矧瞻遺像嚴
祠下未能立草迎送詞一奠拊漿淚盈把

十八學士寫真圖

虬髯少年龍鳳姿手提一劍平九維瀛洲學士十八輩如
雕虎嘯清風隨到今半姿傳粉繪皎如琪木叅瓊枝秦王
功高蓋天下脫略世故容小疵數公不語意有在欽宗流
輩曾何知倘收王魏文學館事如辰羸當早諫美哉貞現
猶有憾洗蘇衆像一長嘆

靜寄齋現文忠公墨跡

董何呼我顛倒裳杖藜階西過王郎：君好事初舉觴平
頭奴子吳兩囊開視文書浩搶攘其間糠粃煩播颺忽驚
墨妙筵有光問誰所書曰歐陽而我盥手方取將覽之三
過神色揚反嗟從來見未嘗字體道媚筆意剛公為文章
軋子長立朝義氣凜秋霜借如春蚓縈行：亦當珎之十
襲藏况公字畫乃如此銀鈎金繩粲繭紙公嘗臨池墨池
水尚言如船逆風使後來誰評新麗体出公一頭子蕪子
與諸友汲同樂泉烹黃蘗新芽

尋山擬三食放箸欣一飽汲泉注銅瓶落磴碎鷹爪長為
山中遊頗與世路拗矧此好古曾茗椀得搜攬風生覺冷
：祛滯亦稍：夜深可無睡澄潭數參昴

讀呂居仁詩

吾宗宣城守詩壓顏鮑輩其間警拔句江練與霞綺居仁
相家子斂退若寒士學道期日損哦詩亦能事自言得活

法尚恐宣城未，今晨開草堂。書帙亂無次，探囊得君詩。疾
讀過三四，淺詩如蜜甜。中邊本無二，好詩初無奇。把玩久
彌麗，有如菴摩勒。苦盡得甘味，侯南州傑論文。極根抵
讀君詩卷，終曰此有地。期君高無上，二謝以平視。要當
掣鯨魚，豈但看翡翠。

王坦夫靜寄齋

狙猴在深山，騰蹕不少停。大龜藏神屋，縮首都無營。冥觀
靜跡異，洞見萬物情。吾聞子王子，總角遊帝城。歸來鬢猶
綠，閉閣慕淵明。曲肱北窓下，風声肅冷。夢覺忽驚起，猶
疑車轂鳴。齋居屏萬慮，乃以靜寄名。是中得其趣，君門可
長扃。倘知定能應，子冠猶可纓。鏡以靜故明，水以靜故平。
茲言置座右，可配崔瑗銘。

示何之忱

往年君別去，上馬愁凜冽。今年見君面，揮汗驚執熱。吾曹
雪點鬢，忽。值晚節云何會，心侶乃作如許別。昨朝聞扣
門，梳髮不暇結。開門問無恙，欲語聲屢咽。君家嬌小女，可
念真玉雪。朝嬉繞君傍，忽作泡幻滅。念我溪堂老，誰能續
此絕。嗟哉溪澗毛，瑣細不容擷。相逢顏未開，苦語心已折。
吾人要解事，視世一蟻垤。共將煩惱緣，一付廣長舌。君歸
數過我，不厭酒屢設。人生浪自苦，豈不愧前詰。

哭董彥字

川流日夜去逝者乃如此平時所知人強半今為鬼項者
哭子兄淚積垢未洗寧知少日間俄又哭董子憶昨招君
談時維六月朏君方以病告一臥不復起啓手無別言慟
哭長已矣初君在童邛警敏無與比讀書五行下大父嘗
竊喜謂當寄門戶竟以韋布死、生事亦大誰能獨免耳
願沾甘露味倘悟無生理

歲將除因誦前賢

字韻詩慨然有感次其韻請彥

光同賦蓋予與彥光皆年三十九矣

春粮遠百里九十居其半駸、入老境競起末路嘆在世
無它能聊以滑稽玩所嗟金石交契濶或星散詩憶西堂
語酒藉南鄰伴共為終年醉莫誇何時旦文書謾遮眼棟
架復盈案四愁不堪擬九歌僅能亂發春只數日故態期
頽盥寧知性本慵矧復由亦緩人猶樂新故事止仍舊費
酸寒益生窮歛退韓子懦惜哉連城珍不變三日炭玉人
可求見何暇定舍館退藏亟聞道飲水知冷暖更當崇明
德不愧三英聚

復用前韻示內

嘗聞藁砧詞破鏡喻月半為期望夫還顧影與婦歎乃知
同室處一笑日可玩所悲孩抱中聚沫何易散嗒然唯一

離單栖若無伴撫枕中夜吁不寐常達旦藜羹具一杯日
舉天隨案還勝在板屋祇使心曲亂小鬟雖槁項聊可奉
櫛盥每觀績麻手提急真不緩娉婷或階禍今古同一貫
頗知食薇清凜可立懦仍甘作詩窮烏銀以喻炭行者
春日暄婦事勤繭館所求亦不奢勿遣兒號暖布衾幸無
恙不換角枕粲

送董彥速遊仙巖

吾聞天竺峰聳若天上峰前溪萬仞激石吼寒浪堂中
老比丘碧眼照林莽徜徉君屢遊局趣我思往此行何所
求豈欲除二障聞呼試回頭未可踏折杖茅擔燕窠地山
氣日夜蒸不斬凌霄藤君歸藤自長

寄題雲卧庵

間居不事枕簟信所便卧形先臥心靜形晏然復壁
非不完加以甃石堅其如方寸亂一夕嘗屢遷榮寵萃一
門寧免百慮煎雖有水精屏何由得安眠章葉踏謠娘連
臂在榻前何如山中人編茅卧山巔白雲宿簷間對鏡心
自捐我亦遺垢氛曲肱寄林泉茲庵倘壽我一睡要經年

初夏觀園中草木

翠葉蕃夏初清陰勝花時閉閤執長帚步屨園屢窺青
溪中蒲移植井之湄下有九節根服食可不迷往時手種

挑只今與簷齊枝間有美寔少日將成蹊採菊香滿襜
纒齋甘如飴籜龍露新綠倚梧長孫枝觀身要若蕉衛足當
如葵節憐孤筠直惡戒蔓艸滋天津白玉卽看花驚洛師
吾人守環堵草木相娛嬉逍遙各自適慎勿相唐嗤

次董彥速示輪老韻三首

法涌僧中鳶孤絕翔千仞似聞天竺老續此燈無盡君遊
千峰上邂逅一笑哂當知絕諸惡如草已芟蘊

二

君如千里駒但欲見鞭影既明才越都未暮已燕境遭楚
或北轅空歎道里永是中皆坦途幽處試深省

三

黃花散若金翠竹森如束此還有妙義机發同箭速可憐
鈍根士每嗟力不足須知日月疾僅得羊胛熟

食藕

人憐淤泥上出此萬朵蓮須知淤泥中有藕大如椽本清
凝冰雪未艷方婣娟玲瓏衆竅通蚶蜆數節連甘寒回不
數却暑最所便髯奴來城市負籠至我前開緘尚帶泥未
嚼先垂涎霍、摩霜刀雷、挹澗泉切玉墮冷冽已覺沉
痾痊芟實闢角紫鴻頭剥珠圓秋盤荐此果頓使二物捐
念此澀不緇餘品莫爭妍而能豁憂思令我心歡然奇功

更耐老合作飛行仙

翠雲道中觀穫

代田誰為西漢議耐旱幸有占城禾揮鏹正見八月穫拾穗遙恰一老歌為言使君驅五馬北陌東阡餉耕者汝曹力穡更當勤慎勿惰遊辜使君

喜刘世基至作詩留之

君家飛猿西我寄躍馬北躍馬望飛猿渺若千山隔十載一會面一年三寄書中無剩語只有問何如去年秋風初君馬秣雲卧庵雀立望君來迴鞭不我過今年薰風後取道凌雲來仙解鞍唱我廬握手慰我懷曾中所蘊藏言下皆傾倒挽留莫念索去還草堂有雀髮母室有蓬首妻屋前虎豹怒屋後鼯鼯啼遠遊縱未歸旅寓安得久三年勞夢魂一日接盃酒君歸太早計此樂未易辭人事雖好乘興盡當語離壯時須摩厲老矣但跛挈荃蘭本同芳霜雪有一節君識飛猿句飛猿嶺即謝康樂詩所謂猿嶠也我和躍馬詩躍馬泉荆它時兩相寄抑亦慰相思

中秋示座客

去年中秋時我病起復仆苦遭水帝子百計推不去床前客問病草壺觴具酬獻呼稚子應答煩老嫗今年幸強健佳節欣會遇况有座上客蕭散如鷗鷺尊前清興發豈

數飛蚊聚南山又朝儕晚雨細如霧難追阿連玩徒咏希
逸賦陰晴天下同吾事亦何預不須淵有珠遑恤食無鬼
人無百中秋對月復幾度幸逢方外交姑樂酒中趣君者
清夜徂草上已多露

謝幼槃文集卷第一

謝幼槃文集卷第二

古詩

雨後秋山

宿雲散曾陰秀色還疊障如將螺子綠畫作長蛾樣光浮
竹木抄影落簷楹上何人妙盤礴淡墨寫屏幃五絃豈須
撫衆響亦清亮我病不出遊素壁倚藤杖舉觴酌群峰歲
晚一相訪

種松

清晨課僕奴遠舍誅蒿蓬身非郭橐駝學作種樹翁胡不
種杞柳但種青々松念汝受命獨勁氣凌三冬明年見汝

生何年矯蒼龍種德亦吾願穆如松上風安知百載後無人思角弓麥陰行可賴不必荒茅中唯當護以棘養視如嬰童此法豈浪傳聞諸玉局公

同董彥光陳妙音遊安樂寺分韻二首

着鞭蒼厓陰下馬古寺門老僧乞食去獨瞻無上尊相將二玉人槃礴共一罇境靜悟塵垢林香識蘭蓀何年鉢羅老同訪花柳村烏能貫珠歌花能折腰舞老人如帝江識此真律呂擊節復長謠急觴猶揷羽春風已趣裝行樂更幾許吾人但取醉何必浪自苦

聞彥光田舍遇火幾焚其廩

睡龍未覺山澤枯其誰濡幕待不虞炎官弭節飛廉怒小屋旋徹大屋塗鬱攸飛空百鳥唳輝赫照樹騰損呼綠林灰炆一瞬耳况乃田父蝸牛廬天公似惜詩人癯約束風伯為回車百神救廩烏工往不待綆缶澆焚如尚令太瘦逢飯顆幸未飢死同侪儒恠竒敢追陸渾韻吊賀不必叅元書作詩嘲誚供一笑逢人舉似應胡盧

許巨源送笋

君家遠屋青琅玕驚雷裂地千兵攢入山長鏹不汝赦日獲玉版登君盤有餘鼠壤幸分似怜我羹稀筋易寬厨人取給畫鋪膳頓使齒頰生甘寒韭菹薤苗豈復數高羹似

覺無雜：嘗聞幽士愛風竹，忍噪其子。吾何覩顏君，養成四時葉。它時犯雪同君看。

灌園

春初韭爭妍，秋末菘更好。嗟我喜蔬食，如人嗜羊枣。何嘗厭滋味，政自樂枯槁。念彼蟪蛄性，命欲自保。變相驚刺異，將糖嫌蟹跡。故於園日涉，時此可食草。邇來秋雨餘，三畝淨如掃。畦丁猶浸灌，小瓮亦自抱。問許機事忘，何如漢陰老。

題顏凱之醉道士圖

虎頭痴絕自不痴，丹青妙處手得之。石嵒戲画幼與子，酒狂更貌黃冠師。一人坐睡真被酒，二人杯杓不停手。一人回面愁不醜，二人直視開口笑。上有醉墨書者誰，翰林手題獨酌詩。題詩真識醉時味，畫罔如寫詩中意。瓊巖不換一斛珠，李詩頽筆今世無。

題文與可畫竹

我昔居西園，手植竹數箇。凜然如德友，節行不敢破。朝吟玩霜枝，夜聞蕭瑟清風吹。一旦忽不見，似覺塵土污人衣。竭來翠雲麓，日唯見山不見竹。雖云山氣日夕佳，尚恐無竹令人俗。昨得與可画，自掃塵壁掛門開。風動之如枉故人，駕對山看畫。信不惡，何人更覓揚州崔。

寄孫子稷

我家大馮君清詩跨陰何尤工婕妤怨不愧青草歌後生
遊其門玉石例琢磨是中知味少莫辨白黑鵝獨聞子孫
子鏘然應鸞和君嘗喜其似謂可同白科劔池佳山水清
連映嵯峨孫子居山間新詩日吟哦探囊肯授我百篇未
為多論文定何時一醉金叵羅更當期皓首共理釣魚簑

登同樂亭飲泉

何人愛斯泉結構泉上屋空亭何所有冷氣宜三伏冷
石甃淨湏眉真可矚欲飲無樽壘挹彼纔盈掬何時近亭
居更種亭畔菊日飲潭中甘庶用稽死錄

吳民載棄意堂

此身聚沫無堅強斧工伐性藥腐腸寸田蕪穢尺宅荒玉
石落々不滿房黃婆居中補四方焦勞亦坐意所藏土如
磽瘠草不芳令人槁項馘亦黃世人紛々各膏育我以鈔
語名斯堂期君得意觀濠梁從渠婪酣狠如羊君自放意
無何鄉一洗痼疾生天光漆園芥藥君得嘗

次董彥光乞米韻

董侯朝飢雷殷腹咄嗟無人羞豆粥杜陵太瘦綠作詩玉
川辛勤坐憎俗細君截髮恐未暇有弟能令餉君粟不妨
更就乞擯柳他日金拌供一斛

分韵招無逸兄得益字

長懷烏衣遊親姓何戚，吾曹乃其後何不追往迹向來
鴻雁影曠若參辰隔沉思不可見佇立久悽惻去年霜霰
中送別衢路側今年冬風至猶未見顏色念我如楚囚欲
往終未得倘能為我來不遠道里百要覲衡茅下有此座
上客新釀秋已熟老菊寒尚拆弥年心佛鬱可以一笑釋
仍當戒後乘聯翩載三益

翠雲分韵得禪字

杖屨信所適溪流忽濺，行入武陵村偶入桃花源劃然
見華屋佛界開青蓮忽，伊蒲饑一餉腹果然同遊得吾
黨曠達真能賢董何韵俱勝欲拍諸阮肩兩王亦豪舉一
擲常萬錢周郎秀眉宇要是佳少年衆中兀生子少味亦
寡言因眠借僧榻自嘲邊腹便平時所懷人磊落星長懸
會合不易得茲遊豈非天重來恐寡伴獨訪祖師禪

次刘世基韵

兒時窺豹見一斑晚學一枝千金彈齋房芝草不竝秀且
食秋菊紉春蘭無心時共白雲出忘機日對沙鷗問窮人
與世各異調敢望一唱仍三歎昨來卜居向崑邑玉川破
屋纔數間朝看燕氣出遠岫夜聽遠舍鳴清湍幾回欲掉
酒船去賀老不見空稽山刘郎好事肯過我入門矯，真

翔鸞平生飲客愁，腐死望君復來酒。今旨君如止酒要談道，同酌寒泉淨無滓。哦詩雖復落君後，強學猶將効曠里。懸知吾廬不落莫，有客同盤飯葵藿。已呼搯手縫錦囊，更遣長鬚具芒屨。相携踏遍翠雲峰，得助溪山應有作。

王摩詰四時山水圖

欲知摩詰詩中畫，桃紅柳綠皆摹寫。更含宿雨帶春烟，一段風光生筆下。欲觀摩詰畫中詩，小幅短小作四時山平水遠含姿態。是中有句無人知，此公盤礴萬物表。胸中炯炯秋空曉，戲磨淡墨汗絹素。世上丹青擅場少，何人乞與輞川圖。裝成小軸四時俱，壁間仍題六字句。人言凌絕古今無。

同陳虛中洪駒父登擬峴臺觀水漲

雨聲何浪浪，溪流勢洶洶。莽蒼兩涘間，不辨馬牛風。翻疑坤軸裂，渺與天河通。林杪露寸碧，濁浪奔蛟龍。擗搖扁舟下，袖手閒篙工。踈烟媚晚霽，飛雲帶歸鴻。境物復可寫，妙手無僧崇。登茲百尺臺，令人豁竒胸。尊開河南守，坐有西山洪。遊目託遠懷，平水念禹功。視河不治行，它日望兩公。吾儕何所樂，白著卧船篷。

送邑尉朱登仕告老歸華亭用玉局老仙寄玉慶源

韻

君不能黃冠還鄉乞鑑湖又不能拏舟送米煩胡奴白頭
真負平生志妙年毫端敵萬夫向來惡少虎負嵎職當疾
走編其鬚袴鞞不是老者事腰間羽箭吾初無揮盃勸影
古寺底日有野老爭携壺頗遭官長勸歸歛婦能右擯兒
左扶但令妻病足鹿脯何憂兒寒止熨襦蓴絲作羹鹽未
下鱸膾切玉秋不癯華亭自昔託崔嵬蕙帳後夜聞猿呼
不羨人間治容子團圓十五正當壚

晏如堂詩并序

季智伯渠州使君大夫公之長子也早以學問稱其家
兒不幸壯歲失明不能世其祿洽聞強記於書無所不
通尤愛淵明詩嘗使細君誦之至會意處擊節不能已
舊以女家人木蘭隨其後木蘭既辭去常扶杖獨行消
搖自適客至必具酒與之商論古今飲酣興健仰天而
歌頽未嘗以貧病櫻其胷中也廬山李高老命其所居
之堂曰晏如且作銘號智伯晏如先生可謂名稱其實
矣智伯求予詩為賦雜言一篇

西都執戟郎田少家無儲雖云貧賤不戚：著書防患何
多虞柴桑避俗翁寢迹安吾廬如何尚作貧士詠更賦楚
調長嗟吁乃知兩賢蒿目憂世患不如先生無目自晏如
朝哦詩千首暮對酒一壺木蘭能歌作行雨但聞龐婆時

誦園田居間携筇竹自索塗醉或起舞嗔人扶幅巾深衣
端可畫每歎伯時何在無人圖往日山陽徐仲車不聞世
事唯耽書使君早興合堂坐誇今彈古定自娛徐能開口
論事以難客君當書空作字以晚徐吾知二人可同傳不
知細書太史今誰歛

題呂隆礼詩後

岐山鳳多雛鳴必中律呂乃知忠厚家要作謙退語申公
三世後有子筆甚武四公如日月映照萬古此郎膽如
斗一筆要連拄不知秦陳輩渠欲置何許它年品斯人戰
國一豪舉

次洪駒父遊明水韻

邁也學耐辱况負三宜休頗有幼輿風自許整與丘仙境
想方丈山形懷不周如何在眼山未暇着屐遊翁鬱明水
峰爽氣常不收遜公釋門老苦節無匹儔食訖自灌畦挈
水端若抽到今中屐在迹勝境亦幽常評左轄賢當從古
人求從政獨何有未說賜與由勸耕遍阡陌民誇殖田疇
幽尋到山寺弭節聊滯留衆賓各文采粲々五蔡翰賦詩
雜流麗如柳春映溝何必打兩槩歌舞催莫愁聞風我滋
悅尋勝行且謀朝遊可暮遊豈曰山川悠

咏二竦

辯如懸河陸大夫不畏嫚罵談
詩書歸來分索養群雛
隨從歌舞樂有餘兩踈高蹈要齊驅
長揖儲君歸里問願
為羽翼還高於豈願飛刀繪生魚
揮金延客以自娛子孫
勤力舊田廬同時異代多不如高明長遭鬼歔歔
平明爭入七香車
華屋擬用黃金塗壯心雖在逼桑榆
長歌擊碎玉唾壺宦成名立盍歸歛
江湖之士可胥疏君不見渠家父子並纏出東都
于今粉繪寫為圖

集菴摩勒園會者十人以它年五君詠山王一時教
為韻得時字

生涯水中萍漂蕩信所之十年餬其口不食故園葵思歸
歸同越鳥長是巢南枝祭竈郭北隅小屋如雞栖園開十
肘地草木方華滋紅榴媚夕陽初篔搖輕颺招我賞心舊
於焉持酒卮合離如日月果有弦望時詩壇失老將一鼓
氣已衰賴我如虎賁典刑猶在茲相歡且盡醉莫詠驪駒
詩

謝幼槃文集卷第三

古詩

李成德作二筆凡以其一見遺云得樣於却子中家
并示長句輒次其韻奉酬

琴不安絃製竒古可伶不入文房譜鼠須龍尾玉蟾蜍與
汝俱成會心侶誰能好事為品題端効廣微亡輒補謫仙
傳樣桂林家以暗投人吾竊取我書太俗如墨豬下慙羅
趙何足數蒙公厚貺試臨池一字不成如畫虎欲報初無
青玉案哦詩况之驚人語淨鋪滑薄待君來慎莫踟躕畏
今雨

李成德復用前韵見貽亦次韵奉和

蔡家筆法擅今古楷書尤誇荔支譜後來誰筆最通神要
與渠伊為伴侶只今書學貴瘦硬弟子闕負誰可補君持
此几要投人字畫不工却得取小人俗書如俗馬骨少肉
多今不數當君此贈恐不堪大似無功饗鹽虎新詩繼作
苦難和只賞君房妙言語嗟予老矣亦懶書苗与兒曹寫
時雨

次韵却子中所藏筆几

聞君文史三冬足家居未奏三千牘明窓斐几靜無塵筆
研清幽真不俗小琴承臂筆縱橫章草真行隨所欲家藏
敝帚將何用時人尚作千金畜此雖奇物君不惜似把隋
珠當魚目小童傳現許見貽與君杯酒初相屬吾詩戲作
異香山唐衢雖見何由哭見公真玩為君賦銅鉢聲終字
盈幅

朱端甫以畫牛一紙遺李成德成德以示予為賦長

韵

畫牛蹄角四十八褚生塵昏僅可闕頭之露地各逍遙不
愁牽車喘見月舐筆和墨誰氏子定自道人非畫史把鼻
牽回得真牧信手摹成妙如此朱公自是老斲輪不惜是
牛持贈君願君成誦石鞞語更將此畫同叅取

次韵李成德谢人惠墨牛

君不見八百里誇王氏駁常教家童瑩蹄角倚襦紕袴競
奢豪臥席不安愁禍作何如傳宝墨牛圖不飾青黃如素
撲向來奇畫購千金宜在蘭臺天祿閣兩牛方鬪未雌雄
或奔而從或小却其餘三四亦殊絕或如虎卧鶴俛咏滕
王蛺蝶東丹馬嘉陵山水青田雀如將優劣比人材長文
何必慙文若人言愛畫亦一癖被野牛羊何用貌是家持
論果非耶煩君試為評其略

午日

今晨定何祥挑柳各映戶粉團高氣薰鵝角椒菜覆朝食
隨土風孟酒晚來具絲絲纏祭筒畫楫誇競渡楚人哀怨
情正以屈子故當年葬魚腹蓋坐入宮如榮華一時好放
逐千載慕得失吾不知持孟自欣豫

成德不面逾月僕以病暑未能出謁輒和所寄藁字
韵詩奉寄兼柬子中

門前蓬藿無人掃客去墻陰藜莧老我家城北君城南相
憶何其挂懷抱不聞叔寶方外談澄也何日令絕倒知君
不作避暑飲閉門亦深荒徑草鉤章棘句日吟哦玉軸牙
籤時探討邇來聞草鹿脯帖盛湘十日虛蘋蓼搯丸藥
恐不免俗客縱譏何足道恨我猶嫌襜褕嘲不敢熟行唯

夢到君收奇功翰墨林筆陣可掃龍駒鳥願言不學司馬
公萬事逢人盡稱好我詩燕石初不如浪欲珎為夜光寶
殘暑從裝行造請曉來涼氣迎秋早定邀鄰舍廣文公同
聽誦詩傾腹藁

碧筍

君不見韓潮州銀作飲醜誇工倭鑄花鏤菜太瑣碎何言
豪士亦爾為又不見六一翁嘗吟鸚鵡紅螺詩華堂一醕
豈不樂清歌勸酒湏蛾眉吾儕山人寧有此競折圓荷為
飲器細傾初作露珠圓滿引忽驚雲液碎鼻中寐：聞妙
香舌本徐：識真味採蓮當散花當妓豈有登臨百金費
安得城西十頃塘水光容裔暑風涼時引碧筍如象鼻仍
看翠蓋立霓裳

感白髮

吾年昔始冠已有一髮白作賦數百言嘲罵等戲劇只今
尋舊作一字不復憶恍然如夢寐了不見往迹但有髻間
絲冉：如堪織南方地平濕壯歲多老色行年四十二髮
鬢那容惜洗蘇將拔白諱老嗟何益一染復星：此語記
阿客人生光景促倏忽如敲石詩成亦寤語感歎初無得
後應不識今：已不識昔

秋日登鳴玉亭

山路秋陽何赫々山亭淒冷多秋色豈唯醒耳玉涼瑋照
眼光寒如練白舊聞瀑布垂雲間恍疑銀河墮天關西望
香爐不得往箇中元有小廬山

次董彥孚韻兼東之南

大門江南英詩名重當時兒時得其藁同輩爭誦之不及
拜諸門常恨生若遲只今諸孫子籍甚皆能詩大篇每技
我孰非黃絹辭我詩不成句落筆為衆嗤如人食土炭嗜
好終不移君何獨賞味與衆真異馳相望卷南北不面令
我思歌聲亦若哭此意誰當知阿大一門傑相為塵外期
風流竹林會應許仲容隨

次韻之南讀彥光詩有作

君家父子俱能詩天遣傲鳥鳴春時文窮抵掌定不免齊
竿不學君何疑平生說詩喙三尺只今蹇吃成期々願君
高處古無上抑以自警無邪思

有懷覺範上人

道人心與貌俱古哦詩不復効等伍清疑仙掌露華墜新
似秋空玉鉤吐要將餘事付風騷已悟玄機窺佛祖泐潭
老子乳於菟果在叢林嘯風雨何當掃室祇樹園夜看金
盆聽軟語我雖不是龐德公懶駕柴車入城府公如歸結
白蓮社由我山邊一塵許

次韵彦光睡起病目

蝶夢遊揚隊碧紗知君不賞玉釵斜夢回起坐有佳思乳
觸牙籤書五車黑蠅着眼君勿嗟學道乃得青蓮華商略
此言當過我樵青竹裏為煎茶

喜汪叔野見過

大注樵奇汗血駒小注連翩鷺鷥雛垂頭未遇伯樂顧覽
輝將下朝陽梧豈知青衫埋朽壤更令斑髻困泥塗喜君
翩：過我廬握手借問今何如苦云難遂白髮志竭來翻
作青衿徒急呼歡伯置座側解顏談聊相娛語及阿兄
平日事往：眉深長歎歎惟君長不滿六尺高談似是膽
滿軀且寬是事飲此醕逢人但作翠囁嚅苦由君住騎勿
驅明朝酒盡為君酤更闌月落起浩歎四面宿鳥：相呼

追和柳子厚二詩

讀書

吾生後淵明頗亦念黃虞要知千載外所學非殊塗兀坐
對聖賢撫卷一長吁彼智自明哲惟狂益昏逾一源同濫
觴派別乃差殊我現載籍中世事何所無痴人不識古謂
與古人俱相望何遙：清都視積蘓咄此不可獻諷誦聊
相愉嗟孔子柳子文章蓋群儒連進自貽戚南冠成繫拘
天孫不與巧溪神亦為愚讀書雖滿腹何曾掬飢飭乃知

任文輩要路難齊驅

飲酒

世故不料理萬事付一樽呼賓陳有藪乃爾不憚煩秩筵
初巖冷稍：笑語喧有如鄒子律能回寒谷溫朱顏挽不
住雪鬢日夜煩人生行樂耳憚也亦至言哀哉獨醒人頗
願拾蘭蓀寧知阿堵中端有妙理存

寄題朱氏小隱園

吾聞滑稽兒避世向金馬刈草吉雲鄉探鳳荒城野斯人
玩世耳豈必蒿廬下墻東本僧牛君平蓋卜者朝市亦堪
隱山林實瀟洒君居占溪源境物菜可寫老檜上千雲孫
桐已拱把雨意修竹響風磴寒泉瀉此翁少年日射巧如
注瓦百金裝寶刀千金買流赭晚歌紫芝曲情性妙陶冶
蒲履穀皮巾何取綬若：嗟予亦曠蕩與世自磊苴方期
訪桃源更欲結蓮社

次韻董之南見贈

章甫不入越夏虫多拘時生無適俗韻舉世誰知之鍾嶸
不並世無人識立遲雖有落花句知為何等詩如逢賀賓
客方歎烏栖辭我初出險語俗子爭唐嗤俛眉欲從事復
恐遭文移亦知適楚車安可從此馳董家名父子平生所
懷思雖云識面晚相聞已相知君詩有古意且結皓首期

端能啖杞菊時復過天隨

陳循中求賦高麗墨詩為作長句

老松杈烟琢玄玉可試洮州鴨頭綠來從萬里古樂浪傳
到麻源第三谷要湏岱郡鹿角膠搆成方解土炭嘲請君
摩研寫新作一弄潺湲吊康樂

竹友軒

城北有陳侯眉宇初未識似聞臭味同烟：見曾臆願言
登子軒哦句呼阿客看君陰森下玉潤映連壁龍吟秋夜
永卧聽風撼：或當命柴車獨咏此君側與尽悠然返誰
能暖君席

讀莊子內篇

經春十日雨却掃門無車伏枕夢鳴轂淙琤行涵渠端坐
發深省妙香浮素裾盪濯披陳編誦臨前除陳編為何
誰漆園傲吏書奇辭通詭詭空語極虛無得意榮辱境脫
身憂患餘曾中灌頂句身上如意珠逍遙有妙處領略歸
一途塵影闊千世風波連九區長夏苦執熱開軒除鬱蒸
簷前鳥雀喧朝旭上朱甍席間裁函丈詩書浩縱橫擊磻
環堵間幽獨懷友生古人在黃卷十載使我傾出門窺物
變草木各鮮榮青：墻東竹見汝忽眼明愛玩不能忘移
根傍軒楹俯仰與竹俱定交見深情不是無朋友此君冰

下文不
相屬疑
錯簡

玉清風吹萬籟駕寒梢韻竿笙我猷哦其間詩作秋虫鳴
琅玕亦有實期汝向秋成鳳皇何時來翾：翔我庭

貫時軒

舊時王子猷愛竹僅成癖斯人向千載論世心莫逆吾軒
謚竹友寓意比三益俗士舊雨來今定歸迹投足寄其
間鼎：一何愚倘同蓬蒿鷄勿笑溟海魚

謝幼槃文集卷第三

謝幼槃文集卷第四

古詩

陶淵明寫真圖

淵明歸去潯陽曲杖藜蒲屨巾一幅陰
：老樹嘯黃鶯艷
：東籬架霜菊世紛無盡過眼空生事不豐
隨意足廟廊
之姿老蓬華環堵蕭條僅容膝大兒頑鈍懶
詩書小兒嬌
痴愛梨栗老妻日莫荷鋤歸欣然一笑共
蝸室哦詩未遺
愁肝腎醉裏呼兒供紙筆時：得句輒寫之
五言平淡用
一律田家酒熟夜打門頭上自有漉酒中
老農時問桑麻
長提壺挈榼未相親一尊徑醉北窓卧
蕭然自謂羲皇人

此公聞道窮亦樂容貌不枯似丹渥儒林紛々隨溷濁山
林高義久寂寞假令九原今可作舉公籃輿也不惡

斲苓軒

萬鍾辭屠羊五鼎貪主父是間多毒腊可茹亦可吐緬懷
陶隱居朝服挂神芝餌苓期邵老曠蕩遠林莽我家城西
偏有地一廛許開軒俯長松倒影廡庭廡嵌空宿龍蛇
暖藏霧雨流脂入地脉凝結歲月古長鐫白木柄生事聊
付汝想彼塵外人遲暮官同煮但當稍兔絲敢望擘麟脯

約諸人遊羅坊觀

陽夏吾鼻祖人物傾九州間携東山妓文靖極風流履齒
步雅磴快哉康樂遊耳孫牛馬走關情無匹儔但有愛山
趣尚能繼前修頗厭城市塵拘繫如楚囚却來龍泉上杖
屨隨沙鷗幽尋風露靜江月動金蚪青山帶長江佳氣日
夕浮旁有列仙家丹樓連飛樓琴書靜無華竹樹煩更幽
約我雲霞交茲遊及清秋未絃蕩塵襟芳尊馮宰愁道士
如彌明長頸高結喉初無石鼎句嶮恠壓劉侯從渠倚壁
睡吾屬足冥搜

無逸病日以詩戲問

六根無牢強萬事有成敗丹白豈不加能令眼根壞溪堂
老居士學道入三昧空花結空果過眼子無礙偶然幻翳

侵惱此清淨界道人不易得定為天所愛恐君墮塵劫豫
比小懲戒病時點空青勿作兒女態為君禱于天君病立
當瘥未忘觀詩書不敢窺粉黛

題戴崧石鼎聯句圖

衡山道士熊豹姿夜過劉生逢說詩止于座隅初莫識口
不能言心自知坐中清逸校書郎新有詩聲誰過之豈知
老子殊不淺可但逐鬼愁蛟螭須臾指鼎出佳句脫略凡
韵生新奇二生得句不敢吐鳴聲強作秋虫悲悽如窟兔
避鷹隼慄如敗將收旌旗借問舐筆摹者誰定是盤礴真
畫師退之斯文有妙處丹青寫尽初無遺彌明學道如不
死應在衡山深處栖端能過我挑詩敵與君周旋吾敢辭

讀葛洪傳

葛洪鍊丹砂却老得遐壽寤髮安在哉岩穴遺井舊勞生
亦何為荏苒度昏晝煌煌崑山芝未暇擷三秀寄謝浮丘
翁何由挹其袖

讀三都賦

漢遭陽九運無復見中興不聞黃屋處郊野蔽旗旌三人
已成虎况阻三國兵揚塵日月暗喋血郊原腥作都雖云
美其如九鼎輕十年翰墨手摸寫費丹青人與骨俱朽山
川空炳燭吾懷鮑明遠寤寐莫賦燕城

田父招飲不赴

萬錢供食如嚼蠟百壺載酒如飲水要知自古窮達人脫
略世味皆如此經旬不逢南鄰伴曲肱聊寄北窓底田父
剝啄扣我門頗應昨夜燈花喜殷勤攬衣謝父老陶令愛
酒今朝止伏雌可殺葵可羹他日薄飯招鄰里吾君恭儉
似文帝勿為酒醪傷穀米

喜雨 是日開改元

涉冬無一雨玄冥阻驕陽上田塵沙飛下田蒲稗荒鋤犁
不入土龍具挂壁墻村居巷無井抱甕汲長江汲多恐流
絕無以飲牛羊昨宵天意動浮雲糴月光洒然潤物功洗
蘇及枯楊先帝劍弓冷小臣涕淚滂屬聞建中號謳歌騰
路傍雨從膏澤沛風與和氣翔山林獨何幸預喜霑稻梁
尚能賦時雨激烈歌阜康

今賦野香亭前木犀花二小詩盛稱此花之妙而江
迪曩賦梅花詩以及之往返唱和十數篇二花優
劣未決故復長韻示之

君不見杜陵布衾冷如鐵朝來未盡收烟絕偶然衰興江
上行無奈被花惱不徹城南陋巷在江侯讀書蒲團生蟻
虱吟成少陵七字詩酷愛梅花似冰雪竹友道人端可唾
頷髭如棘手如龜從來口業洗未盡醉吐狂辭歌木犀賞

花自是少年事出口未覺吾儕痴我今束縛喙三尺勿與
世俗爭妍媸空花遍世不凝眼淡如雲水老禪師

寄題王立之賦歸堂

小官五斗米達官五鼎食均有懷祿心細大各封殖疾驅
挽不還此輩車轂擊王侯生綺紈雅意在山澤頗賦歸去
來作堂慰休息似聞一尊酒醉眼分青白何時上君堂酌
酒話疇昔和君五字句想望柴桑陌

亦愛軒

漆園游濠梁得意儵魚樂淵明愛吾廬感彼衆鳥託兩賢
俱達道妙處要高略夫子誰與歸潛也如可作柴桑久無
人茲道竟寥落頗能誦其詩尚友亦不惡世路多艱險君
軒可樂磚但恐君出遊蕭朱綬若

求定齋

吾觀大梁城九衢塵暗天奕奕觸日文爭變炫互相憐此心
如慈幡裊：風中懸王子閉門臥守心長縛禪能定乃能
應如鏡別醜妍吾豈匏瓜哉孔子有至言君看日月行亦
若磨蟻旋活翁已發葉此句不用傳

黃魯直為名此齋并道其名齋之意

寄饒次守

我初卅角時聞有饒進父

次守舊字進父

破衣下里舍應書不得

舉要是磊落人白眼看法度吹笙彈箏篴餘事能律呂市

人惡少年往：爭笑侮掉頭出里門徒步大梁去蒯綬謁
王公敝貂走風雨十年不還鄉無人問死所客從北方來
喜氣滿眉宇探懷出君詩字：聚幾珎筆縱入顏揚句法
窺李杜奇偉可畏人我輩誰比數借問從誰遊一：莫後
侶我家阿夷兄詩有春草句說君不離口恨我識君暮帝
城十二櫺素衣染黃土食貧出無車羈旅亦良苦束書早
歸來隻雞祭墳墓况聞霍將軍尚有陳氏母銅山鬱嵯峨
其下原隰：我思結茆舍帶經學農圃它日如買鄰定可
連牆住頗聞君卜昏我亦未有婦要如子柳子各娶老農
女東市買杯杓西市買筐筥南市買綆在北市買甌釜生
理能稍：來往辦雞黍兩家如有子男女互嫁娶從來不
識面便作平生語但緣臭味同請君莫訝許

讀潘邠老廬山紀行詩

杜陵骨已朽潘子今似之款觀廬山作乃類北征詩是家
好男子札翰非凡兒阿耶有新句把筆如畫雖此詩落吾
手三復喜可知有才如長卿武帝思同時不令歌天馬亦
合賦靈芝胡為鬢已凋但作愁苦辭錦囊勿妄發恐為俗
子嗤

汲古齋

人言曲誤周郎顧豈謂周郎真好古長歌短調各風流說

尽心招及眉語頗聞汲古用脩綆乃知餘事工律呂君軀
三尺胆如斗欲窺唐虞探鄒魯頃來長安濶畫眉時人半
額相媚嫵天姿潔白惡丹鉛獨有溪頭浣沙女要知學者
用心處不追時好了如許君家有井千尺深容我時攀轆
轤否

寄李商老

所思定何方渺然羗山麓別來經一年不寄書一幅憶在
元真館與君同飲缸論文久未去夜雪打寒窓明朝款君
門篋輿踏殘雪尊前聽君談意氣排凜冽雪中兩相遇把
酒俱由連豈同剡溪去興盡回酒船今年走東吳無復相
邂逅遭回行路難歸已三月後逢君所知人頗嘗問君安
猶聞臥苦塊毀棘今乘：君家所嬌兒聞已去懷抱昔我
嘗見之瑤環寔娟好我歸卧衡門愁苦亦如君淋雨子桑
病敝冠原憲貧此懷其誰語思君何能已寄聲勞苦君兼
問兩季子

謝幼槃文集卷第五

律詩

集菴摩勒園觀李泊時畫陽關圖以不能捨餘習偶
被世人知為韻得人字賦六言

摩詰句中有眼龍眠筆下通神佳篇與畫張本短紙為詩
寫真渭城偶落吾手小圃傳規衆賓坐上宴如居士暗中
橫索離人

次韻董彥速送珍上座還漳江

阿師身小膽能大文字曾追權可遊

珍云曾從權
可二詩僧也

尋山紅

葉半旬雨過我黃花三徑秋隨處龐公雖有偈它年支遁

恐難酬經行者箇門風是聞說漳江似趙州

招李成德

妙年英偉定樞軸老大如樗百不堪
黍飯莫孤元伯約山夫豈有德公談
棊無多笑愧三北詩要重論窺二南
只恐尋芳嗟較晚夜來風燕落絳

採金櫻子

三月花如簷蔔香霜中採實似金黃
煎成風味亦不淺潤色猶煩預建康

讀何易于傳

吏皆愁死自焚詔農正勤耕身挽船
墨綬紛：滿天下不知誰拍此渠肩

讀巖子陵祠堂記

羊裘不見釣臺傾山到臺邊分外青
天上故人新黼黻身前萬事一筇箚章侯筆法逼秦相
范子文章原易經圖畫名臣久磨滅
此碑千古粲繁星

觀漁二首

腹腴端可飽新歡柳貫霜鱗照眼寒
莫惜寶刀煩玉腕要看飛雪下金盤

活我波間雙鯉魚待傳千里故人書
嬌娥莫道田君掃怕捲珠簾總不如

潘邠老嘗作詩云滿城風雨近重陽邠老亡後無逸
兄用此句足成四篇今茲重陽只數日風雨不止
凄然有懷作二絕句念泉下二人不再作不覺流
涕覆面也

地下脩文兩玉人清詩傳世墨猶新却因風雨重陽近獨
立蒼茫淚一中
阿兄溫潤玉介導我友淡薄朱絲絃只疑蟬蛻遊人世醉
挿茱萸若箇邊

隱居

清時甘小隱卜築在山阿家有傳蠶室機如凌行婆間看
斬猫話蓋作扣牛歌不出又三月柴門生薜蘿

秋日登擬岷臺二首

步上溪邊百尺臺斬斬秋色正傷懷千屏巖繞碧雲合一
字傾歌鴻雁來
徘徊欣與賞心同讀遍碑詞字工共歎黃壚封白壁一
時悲淚洒秋風

秋暑

秋暑不可奈秋風殊未來何時踈畫扇無處覓涼臺誰謂
月離畢空驚山殷雷愁聞老農語南畝半黃埃

寄汪信民二首

泮水傳經老蓬山佐著才宦游思引去祿養可歸來要路
眼誰白浮雲心自灰少年馬何駛君馬獨虺隤

二

繫纜符離日君行殊未歸寄書問亮社有夢向江西不見
揮犀柄頓驚響馬蹄殷勤具雞黍多謝德公妻

喜董彥速自仙嵒歸

鉢囊高掛同僧夏遠寄嵒間一把茅地僻狙猴長作伴食
貧蕨筍不充庖瘦藤拄下萬峰頂野雀來歸千歲巢點檢
篋中詩幾首蒼頭時遣為君抄

莫：堂新竹

僻寂漏茅屋蕭稍新竹枝徑迷人不到蔭密鳥還知綠色
念：換薰風細：次即看柯葉老不受歲寒欺

夏夜對月

掃月追涼清夜分是開風露別乾坤上林畏佳地多籟雲
漢恥回天不言平野極瞻南紀濶稀星遙拱北辰尊時平
萬里無兵草靜愛雞鳴犬吠村

煎粟湯二首

萬粒勻圓剖粟子作湯和蜜味尤宜中年強飯却升石安
用吐嗟成淖糜

松黃浮椀色蒸栗初味餘甘如苦茶粉粟為湯兩奇絕甚

甘純白勝醍醐

問劉世基疾

君如寒涕嬾瓚師如何久苦造化見清漳嬰疾古所歎淋
雨裏飯今其誰探囊苦乏萬金藥歷眼疇為三世醫它年
上疏恐不免細君莫念眠牛衣

蔡師直畫山水研屏二首

畫翁元勝斲輪扁喻子丹青如有神平遠還堪助詩思故
疑摩詰是前身

淡墨江山作小屏碧紗烟裏護寒泓蟾蜍寫盡看倒影身
在山陰佳處行

和季智伯病中書事四首

多病過嗟蒲柳弱故交聞似曙星疎逢人休問金篦術稔
簡宜緒石室書

訓釋雖工非世好風流未減已形枯固知商也真無罪豈
謂亨：不可呼

應知露肘負堪忍只有哦詩興未踈莫遣木蘭當戶織須
煩阿買八分書

老來頓驚詩筆退愁生唯怕酒腸枯尊前學得新翻曲早
晚揮盃幸見呼

春寒

再：雲生嶺翻：雨決渠畏寒成堽戶惡濕問生魚始怯
春衫薄俄驚團扇踈天憐憔悴骨莫遺峭風梳

覲碁

客憇茂林晚風生涼簟秋後橫飛碎玉勝敗決中流北史
暫亡馬西風還覆舟誰能閑許事寓日且忘憂

喜晴

十日江村烟雨濛曉來初快日升東接莎蕉葉展新綠從
史榴花開晚紅得句又從山色裏琴棋渾在鳥聲中披衣
出戶晴田野好在良苗懷晚風

送和香与彦速二首

侯莎新補蔚宗傳藿燥簷粘疑可憎試炷博山元不俗小
奩分供在家僧

憲間一炷結趺坐萬象森前應眼前不印香嚴薰未歇何
妨人請太僧生

暮春久雨

季月何多雨經旬不見山雲師工敵寒義取久間開水已
澤中滿寒應天際還壞墻憂盜入只益髻毛斑

晚春書事二首

春來畏病不飲酒孤負山南山北花有客款門驚剝啄無
人追韻得車斜獨酬砌下二三子豈憶城南常杜家不畏

詩窮嫌水厄時：搜句煮新芽

未曾由客十觴醉已是飛花三月時
忽悟病來真老矣倘逢聖處亦中之眼前用意半乾沒
世上忘形皆白痴誰似陶翁有名酒呼兒覓紙又題詩

和陳虛中與呂少逸唱酬口號

霏：玉唾勝三語艷：金荷傾十分
簷外催詩疑有雨林間張幄豈須裙
臨溪尚憶童時釣問俗仍寬柱後文
珍重兩公新句麗落花依草競紛：

螢火

日出知何許宵行有底忙
自疑綠寸草不敢近扶桑
瑣碎豈堪數神奇安得長微風
迹未掃更待九秋霜

七夕書事

燒燭苗今夕街孟憶故年
風前夫二士句裏問三玄
隨分瓜蔬設占星古老傳不須乞巧
只有直如絃

朱濠州挽詞二首

俊軼金閨彥風流粉署郎
憂民形玉色治郡輟鵷行
籍甚聞前席居然歎掩芒
何人殺青簡惠政在濠梁

公才真霹靂令德故從容
未錫九環帶俄傾千丈松
清香銷燕寢遺札陋登封
身後繫：印行青已二龍

哭無逸兄三首

久客思鄉社長歌去國門還家未偃息樹旒忽飛翻苦淚
不勝滴悲懷誰與論平生急難處愁絕望鴛原

二

文章不用世歲忽值龍蛇遽使賢人隕長興志士嗟有兒
纔句讀無地可尋麻賴有興元尹能賙孟氏家

三

溪堂載酒地無復故人車敗壁龍衣委荒畦馬齒踈淒涼
閉關賦淪落廣微書但有清風在時時為掃除

題于逢辰畫

踏遍江南岸歸來試解衣誰言物外賞不子筆端為石帶
蒼苔瘦風凋折葦稀令人清興發欲問釣魚磯

戲咏石榴晚開二首

靡：江籬只喚愁眼前何物可忘憂棟花淨盡綠陰滿纔
見一枝安石榴

無復幽姿淡：粧胭脂深染薄羅裳芙蓉影裡避三舍石
竹叢中許擅場

端午即事

卯飲綠佳節昌陽薦一卮兒諂射團事妻誦賜衣詩懶檢
三閭傳爭纏五綵絲平生幾端午隨分作兒嬉

書李元亮真牧堂賦後

揮翰眼中元亮牧牛何處癯仙公擇如今不泯當去家諸
子俱賢

題陳陽樹石二首

寒藤骨數百尺枯木大七八圍挽取到公竒石俱還數幅
寒溪

解寫枯松潤石陳陽筆意名家弟子蔡規今老古人王宰
何加

哭汪信民二首

竟欲游梁苑聊甘食楚萍談經謝純袴植髮翹槐庭看鏡
鬢毛改橫空烟霧真誰評貞曜謚更謁退之銘

二

徐穉生何陋袁宏輩豈如誰知十斛水中有百金魚肘見
貧非病疽成憤不攄銘旌之南國寥落正愁予

杞菊

雨洗幽叢清客襟厨人採掇獨何心根苗扶老或名杖蓓
蕾舒黃無數金

絡緯

聒人長向井邊啼在宇丁寧戒授衣織素盡輸官事了教
來工女正投机

倦夜

山月斜臨帳山風細拂裳
蕭蕭碧烟靜炯炯白間涼
境寂萬緣息心灰十慮亡
無端催曙鳥底事厭宵長

喜董之南歸

乾鵲飛翻噪晚林阿南歸騎果駸
青衫黃綬霑新命白石清泉是素心
金鑷多情洗雙鬢葛巾從此避華簪
來年徃獻東巡頌今日聊為梁父吟

懷祥首座

師在羗廬西復東無心還似鳥飛空
月鉤雲幕今何處禪板蒲團只眼中
未悟竹間鳴瓦礫擬隨童子問鈴風
前身倘是胡居士打破虛空對沼公

謝幼槃文集卷第六

律詩

寄李商老兼東文若季弓

有客春來傳尺書，詞字、敲瓊琚。經時伏枕沉緜甚異。
縣論交消息，踈物外，高情想三鳳眼中。何物當雙魚。遙知
小弟淒涼意，騎省歸來正望廬。

晝卧二首

書魔縱挽睡魔推，鼻息俄驚吼怒雷。夢到逍遙大庭館，不
堪簷外鳥驚回。

剝：啄：無俗客清：冷：多好風一枕本無憂樂累何

酒遊宦大槐宮

青精飯三首

霍山王鄧兩真隱
駕雀乘雲飛九天
當時服餌定何物
同飯青精三十年

從來見說青精飯
晚遇真人隱訣中
長恨聞名不相識
那知俚俗號烏桐

南人雉號烏桐飯
過熟翻成作滓糜
太極真人方未識
茅山道士寄何遲

送酒与晏如居士二首

南人釀酒訖深紅
注瓦真成琥珀濃
与藥相投莫宜此
急分多病晏如翁

此翁曾犯春償酒
醉挿姚黃更乞花
多病只今犹解飲
細傾聊為遣生涯

示李商老兄弟

月夜宜披宮錦袍
定知公輩豈蓬蒿
文修水波瀾濶人
與庐山意氣高
伯氏最於三虎怒
凡兒何翅九牛毛
相逢徑欲倒家釀
莫厭尊前持蟹螯

夏日遊南湖

麴塵裙與草爭綠
象鼻甯勝瓊作盃
可惜小舟橫兩漿
無人催送莫愁來

咏金来禽

枝上離：金彈九宜隨玉食薦金槃從來物以遠為貴
酷愛閩中荔子丹

書懷

賴有書遮眼初無客就談身閒唯取醉髮短僅勝簪學僻
今何用囊空室不貧老即行駐錫準擬問前三

次李商老端字韵

冒中磊：夜光寒霹靂驚飛在舌端夢去幽尋透山麓詩
來喜色上門闌四時更運不停軌萬物並流皆疾湍兩鬢
凋零壯心在忍窮懷抱若為寬

招汪叔野

夜語僧窓雪載塗別來夏木又扶疎兩牛鳴處地非遠萬
竹陰邊吾所廬兒能竊聽從忘簞子盍徐行可當車莫訝
南鄰狂處士拏榻傾坐一軒渠

投贈通守陳虛中

前驅負弩旂旌忙凜：寒風挾曉霜人道姦藏有三穴公
知民病極千瘡搖毫端是霹靂手抵几還驚鳧鷖行莫向
琳宮坐間冷太阿何事匣中藏

晚晴步塘上

漫踏斜陽堤上行偶逢白叟問年登去年禾乾龜兆圻今

年雨多禾耳生

鳴鳩

雲陰解盡却殘暉
屋上鳴鳩喚婦歸
不見池塘烟雨裡
鴛鴦相泣濕紅衣

聞呂居仁病未差覓使寄問

消渴文園若病多
蕭條子美臥江沱
士窮不過古如此
天實欲為人謂何
忠義名家亦申許
文章秀氣望岷峨
期君煉玉煑白石
色比嬰童何啻過

種竹

關地種修竹得方
鍊秘徑成陰向北
宇倒影落中庭
直取內含素豈唯
枝鬪青龍鐘玉川
子猶擬抱漆丁

次韵李智伯寄茶報酒三解

歡伯風流可解夏
疑君此外更無求
揀芽投我真拋却不
是能詩薛許州

二生相逢妾換馬
我今真成酒易茶
腐腸銷膏亦可戒
与子服霧殮朝霞

君如張籍李古淡
麗處徃々凌陰何
長句短章時寄我
為君翻入竹枝歌

懷鍾陵舊遊

五年二度過鍾陵
馬上春風醉裡醒
南浦江波迷眼綠
東

湖烟柳半天青從來地域歎卑薄恠底山川終炳霧又見
徐家有高士他年重作聘君亭

湯泉：在法水寺後

亂泉如湧出灣環餘燠猶霑野寺間但與山僧洗塵垢還
勝漲膩在驪山

食蟹四首

端為懷黃取醢烹豈緣多足恣旁橫焚臍未用集鼠輩雄
髓方嫌太瘦生
分付厨人若見嫌十臍元有九臍尖要知其中未必有輸
牙蛤蚧如蜜甜

論功直與酒杯同何事生憎在水中不使落湯頻下箸終
令骨醉耐春風

有國嘗憂以味亡須知有毒味中藏誰能不累口腹事莫
趁秋風啣稻芒

以牛膽漬槐子送董之南二首

雪霜無賴點君鬢五十龍鍾成老翁急分槐實要腦滿佇
見頭青隻頰紅

解牛得胆大如斗投以元槐功更加來歲青袍映綠髮不
妨看盡九衢花

送王坦夫由淮南入京

玉郎乘興工扁舟，數遣書來寫我憂。
奏牘三千待金馬，卷簾十里夢揚州。
桃花水漲理歸楫，蓮葉杯香消客愁。
白髮倚門長望子，細君應賦大刀頭。

遊安樂寺陳妙音載酒

遶郭尋春未見花，不知春在梵王家。
林間新翠張裙幄，席上殘紅當臉霞。
吳逸持盃瓊雲漢，飲酣揮翰洗龍蛇。
主人不是陳驚座，投轄歸時日已斜。

聞無逸兄下第歸

豐林分首各消魂，兄弟傷離况玉昆。
初謂過都苗虎脊，又令點額向龍門。
往聞淮北雪花大，歸值江南梅雨昏。
欲寄

短書無別語，年來花柳自村村。

李簿家有侍兒，妙麗善歌舞，諸人惜其死，為賦詩予亦賦二首。

草頭朝泣露溥溥，樵歌暮歸丘隴寒。
當時座上客半醉，琵琶不許近簾彈。

郎子風流栖枳鷺，枳上單栖泣。
夜闌窓前邂逅一笑粲，夢中猶作在時看。

久旱喜雨

誰言旱魃虐，敢奪雨師权。
瀟瀟漫溪流，漲瀾翻屋瓦。
雷懸占年豐，穰種快意滌。
祥延踈懶如何幸，茅齋穩晝眠。

植菊

憔悴靈均老蕭條子美醒
冷英謀自潔摘藥恨猶青
事往或今古人亡尚典刑
都夫今白髮頰汝制頽齡

有懷如璧道人二首

道人詩思瀉江湍乞食侯門缺屨綈
鋪褐卧雲何處去不
應投老累儒冠

每核詩人賈閣仙投冠去李祖師
禪塵埃不染心如鏡妙
句何妨与世傳

寄王立之二首

坎壈脩門裏蕭條處士庐
憎人玉川子憤世竹林書家有
來禽帖門無載酒車
諸公生死隔不是故人疎

二

古本初傳強仍開右臂枯
徑春一旬卧見客二兒扶吾道
何寥闊夫君合洗蘇
在無滄浣手藥味且時需

贈別董彥速四首

人間底處異蓬庐
莫：堂中豈定居我尚滯苗君去速荒
園三畝夢帰歎

多謝清風日掃庭
与君同種菊青：開花爛熳君何在莫
忘蕭條我独醒

欣同衆鳥託吾庐
投杖行當歎索居不是酸寒孟東野吾

言能聽果誰欤

杞事都捐懷大庭茅簷相對眼俱青期君別後文章健往
吊沅湘屈子醒

次韻無逸兄見示

憔悴誰能賦大招會將菌桂雜申椒
蒼南鄰果頻相遇水北山人詎可邀
細酌敢謀長袖舞舌吟空咏寸岑遥
耕耘賴有陶潛婦不羨孫郎對大喬

次汪信民寄無逸韻

詩翁索莫閉門居珍重山陽信不踈
但報七言當玉案何須千里駕柴車
樂天官滿舊歸早楊子家貧只是晏
如它日往來隨二老共甘盂飯與盤蔬

送酥魚頭醬菜與何之忱三首

和蜜煎膏李雅酥兒誇甘味比醞醑
老夫舌本不知味強鮮嘲為羊酪奴

放浪三江又五湖頭顱見醢亦何辜
世無剛者不用覆徃侑一觴隨蜜酥

瓮底寒蔬冬作菹春來把酒必時須
庾郎鮭菜二十七還得何郎下箸無

立夏日作四絕

雨脚連雲苦未收曉驚池面日光流
田家甑裏封蛛網即

漸歌謠夢有秋

小簟含風六尺牀竹奴從此合專房吾身乾落都無用占
得山間一味涼

熨得絺衣一番新幅巾輕軟最宜人花時氣暖長愁夏竹
裏風微又勝春

李作蒲葵扇未工手揮聊有古人風君王別用机中練定
被南來長養功

寄刘世基用世基寄之忱韵

斷髮誰能鼻不傷虎賁何取似中郎吾人身健閒何濶昨
日書來喜欲狂華屋不存長念昔

用文事請事金蛇雖在莫干梁

用刘氏事幾時燒燭留君語更向東窓置一牀

招李商老兄弟時聞叔守陳公苗之未聽其來

十年不見令兄弟眉宇長懷元紫芝相：夢魂或独往翻
翻書札慰相思求船貨馬事應速酌醴焚魚吾豈辭政恐
孟公投轄飲惜君高論解人頤

次刘世基韵

孔世已傳三十八諸孫犹自見長身試將後謝追前謝豈
料令人愧古人華子岡頭千疊秀刘郎詩律一朝新吾家
碧澗紅泉句聊欲煩君作後塵

用前韵和董彦速

得句可傳千古意，搜竒攻若百年身。
河梁贈別初無對，錦里吟春復有人。
我已汗顏驚手縮，君犹瓊樹賞朝新。
從今習氣須磨盡，二字唯當悟客塵。

夏日書事二首

蒼虬蟠礎濕生雲，翠竹搖風水有紋。
涼卧北窓呼不省，虫飛遶鬢夢中聞。

雲峰矗立駐金雅，夢斷槐宮影未斜。
屏翳御風遊不返，南山空轉阿香車。

余嘗會李商老於海春，識呂居仁於符離。今已五六年矣，偶見二公倡和詩各次其韵一首。

憶昔逢君夜雪中，高談未了酒尊空。
清漣綠篠今輸我，白璧黃金政負公。
渭水流清終異濁，池花變碧舊曾紅。
欲評此意君何在，長是蒼茫立晚風。
右寄商老

雅舟滿汴偶相逢，彈鋏归来四壁空。
耕道十年常九潦，謀身一國自三公。
似聞諷諭能知白，豈但詩詞要比紅。
申國凜然生氣在，故知郎子有家風。
右寄居仁

謝幼槃文集卷第七

律詩

玉茗花二首

佳園昨夜變春容，清曉驚開玉一叢。
素質已欺雲液白，淺妝羞退雁翎紅。
似聞金谷初無種，欲畫鵝溪恐未工。
底事餘花避三舍，孤高元有史君風。
謂魯公也

騷人浪說麻源谷，本在風流刺史家。
直与瑤林共高徹，可須梅影鬪橫斜。
芳尊莫待紅粧賞，幽艷長令烈士嗟。
憑仗邊鷺折枝手，應宜展障玉孺娥。

謾成

年來任運李騰：愛酒還同醉李僧
痛飲亡何緣客至時
寄不借透村行簷間燕雀新聲好
門外池塘春水生
晚起坐窓無一事捲書南望見高稜

飲酒示座客

身前不吝作虫臂身後何須留豹皮
劬勞母氏生育我造化小兒經紀之牙籌
在手彼為得塊石支頭吾所呼偶逢
名酒輒任醉兒童拍手云公痴

和李智伯金石臺不見舊題之作

瘞崔書縱逸少齊華陽長使後人迷
姓名不得芙蓉手何用金牛捧硯題

復憶高人張季鷹每將盃酒勝榮名
登臨叔子緣何事煙滅無聞一愴情

悼亡三首

舊聞林下趣既見即心降
月冷全秋夢灯寒对夜窓
孰知身是幻深念涕如江
仰嘆朝飛雉微禽亦有双

二

三公吾豈敢曾為忍飢寒
擬聽苓署雨潛悲昔藉藥烟雲
崑壁月霜露殞香蘭佇立東風泣
忘情良独難

三

去作三 隔米歸二載餘臨風還念汝
傷女更憐渠憔悴

衣園減漂零鬢髮踈吾今多病久誰付茂陵書

呈無逸兄

漢儒章句文勝質魯國衣冠實愧名但遣詩書長在眼可
令聲利苦閑情咄嗟茗飲有時辨夢想溪堂何日成舟泊
寒沙卧明月此期終欲与君盟

示舍弟

蕭然環堵独何有自謂道人唯一丘野性定為滄海客妙
齡須寄道山遊江寒沙靜鶴鷓晚雲濶天低鴻雁秋休歎
烏衣成往事一尊相對且忘憂

寄挑鄰居士

挑鄰楚客無消息寄食招提豈處居倘有龐公知德操何
須程鄭識相如食魚它日勞彈缺舐痔令人剩得車流落
生涯俱寂寞因風時遣一行書

寄無逸四首

三尺祥烏曾集冠平生菽水奉親懽從今五鼎應無補不
可奈何君自寬

聞說潘郎窘食貧何年會面慰琅勤北風如有春安便為
報相思頻夢君

故園風物長如舊松栢參天六月涼岑寂北窓風雨夜独
吟詩句透胡牀

浩蕩漳江瀉碧漪
西山清絕助新詩
好因歸雁傳佳句
要見羊何共和之

觀李伯時陽關圖二首

坐對丹青傷別離
淚和朝雨想頻揮
道邊垂柳年年看
盡行人長不歸

春草春波傷底事
青々柳色最消魂
龍眠自有離家恨
貌得陽關烟雨昏

秋興

雨隔千山暮風驚一葉秋
朱顏傷露榭青眼賴沙鷗
畏酒游揚夢因詩點染愁
有懷誰與語多病獨登樓

聽曹道士彈琴二首

淡泊絲絃誰與聽
試開塵匣寫幽情
琴中自有無窮怨
彈出離騷意外聲

小窓疎箔列仙家
彈盡遺音晚景斜
賀老當年定場屋
虛將妙曲付琵琶

寒日出郊

水晴鷗弄影沙軟馬驚塵
密竹斜侵徑幽花亂逼人
深行聽格磔倦憇倚輪囷
往事悲青塚年々芳草新

寄洪鴻父

見時訪道章江上
燕雀群中見阿鴻
南浦飛雲看畫棟
北

窓欹枕，涼風讀書長憶。登山勝作尉，聊甘食藜。窮想見
咏懷非一首，鈎章棘句，定能工。

有懷潘子真

冲和庵裡潘居士，旅食京城久不還。玉吐銀鈎長在眼，瑤
林琪樹未承顏。大門曾是鄭嚴華，吾子却居夷惠間。想見
紅塵車馬底，夢魂隨雁過西山。

食菜

道人真是伊蒲塞，預：園蔬入饌來。紫芥寒菹參薤韭，黃
橙苦酒伴鹽梅。蒸豚不羨貯人乳，飯豆亦能羹芋魁。但恐
酪奴不解事，撓令枵腹轉春雷。

暮春二首

溜渠鳴玉雨成霖，春草池塘數尺深。後院落花人不到，無
聊獨下海棠陰。

晚雨墻東暗綠槐，清陰庭院鎖莓苔。紅藥將春去，貼
水青荷與夏來。

春日黃梅花二首

臘梅初與雪爭妍，素艷寒香亦可憐。政使北風吹得盡，一
枝金萼始嫣然。

傍人如笑不勝妍，曾是尋芳向臘前。縱使遊蜂能拂掠，含
酸結子為誰圓。

梅花四首

姑射神遊閼九閼水精宮殿不勝寒下窺人世生塵想故
作梅花与俗看

清曉微開淺黃蕭疎無奈北風涼幽姿不許人窺見故
向寒林度暗香

薔薇露染玉肌香疎影寒光照野塘長使詩人動出與不
妨桃李鬪春粧

冷香零亂點寒莎眼底愁生萬種多收拾餘芳無處惜只
傳佳句似陰何

送都仲猷

酒曹懷璧整投閒俄許朱轡未賜環殿閣涼生應在眼宮
門鶻唱合趨班鳳皇現德翔千仞虎豹窺人礙九閼只恐
蒼生傾望久未容投紱老家山

寄題長沙高善時醉月堂

亂山岑秀繞湘濱君築茅堂底處村蠻國戈矛真夢幻醉
鄉風露別乾坤平生不負南樓興何日能令北海尊聊欲
揮毫書楚些憑君招取獨醒魂

与江君佐遊五福寺觀竹二首

老子平生与竹群清風洒濯勝三熏江郎定自與不淺共
打僧門尋此君

小池環插碧琅玕氣韻蕭梢六月寒一夜清霜厚木落獨
留孤節与君看

吳彩鸞寫真

天上鳳皇難独宿人間翡翠本雙栖丹青不共文蕭共誰
遣雉東迷雀西

戲咏鼠鬚筆

編鬚將取蝟毛磔裁管縛成雞距長誰言鼠輩不逞齒也
復論功翰墨場

山間四首

籬落秋花未得霜嫣然一笑媚秋陽可人風味撩詩興不
記姚家宮樣黃

野老綠岡拾墮樵溪童收網度橫橋高懷尽在行歌裏豈
信人間有市朝

未羨顏生樂一簞一簞縣磬若為歡有田如使楊雄足亦
夸前賢在澗槃

牽索齋眉老孟光隱居無計可須忙殘年但使糟林注亦
付生涯与醉鄉

杉松二首

古貌蒼髯十八公巍々独出衆材中朝來挽致茅堂下為
我商量送好風

河出崑崙派九州屹然砥柱立中流蒼松若比丘山重豈
但回頭費萬牛

次韻吳民載告別覓酒二首

君詩起予者百遍為君開世俗唯何甚予心不可諧
獨思南去楚衆欲北之回何處可休影期君歸去來

二

齊下老從事相逢青眼開有朋方相款得汝更詎諧
老與此非淺後車君与回嘉蔬實空甌併遣木奴來

偶書二首

大儒讀書如布穀小儒據几如王孫道人竟日無一事
卧看前江烟雨暮

平生褻吃不解語終日坐窓從客嘲它年若使登要路
定被人訛無口斃

題陳先生華山高卧圖

落葉開花秋復春睡中榮悴豈關身那知五起雞三唱
亦有寒窓不寐人

和董彥光立春日二首

梅蕊飛翻柳色新雪泥乾已成塵愁看節物獨驚眼醉
吐詩詞君可人藜杖應門原憲病鸛裘貫酒茂陵貧
朝來似有飛揚意可但無情草木春

交情自昔白頭新富貴移人或望塵願我喜求方外士得
君端是眼中人謫仙詩富舊無敵東塾囊空今不貧已遣
搯：從古錦共搜佳句賞新春

彥光示詩有釋氏之語復次韻

歷眼浮榮逐日新誰知澄寂本非塵吾曹例作區中士此
味全輸世外人空裏華生均是病衣中室在却憂貧是問
枯淡君姑置且辦芳尊醉早春

何之忱用前韻示詩復次韻

楊子牢愁更美新賈生悲鵬在承塵忘懷久已載萱草行
樂尤欣見玉人邂逅題詩聊可意平生嗜酒豈憂貧明年
刺作顛菹計劇飲狂歌莫負春

從陳妙音覓酒二首

雪窓痴坐搭寒灰萬斛清愁掃不開排遣此懷將底物憑
君催送麴生來

長恐閨人抱頸羞何當更脫鷓鴣裘試煩郎子傾家釀不
用平原老督郵

次韻董彥孚獨卧逸堂之句

逸舍檀栾五月涼歲寒高節亦難忘期君鴻鶴應高奉願
我虬螭豈自量索價舊曾稀少室荷鋤猶可繼柴桑虛堂
若許連林卧待看風吹細：香

送黃柑与彦孚二首

殘臘才經一番霜青，三寸作金黃故園兄弟懷思我特
地不甘到草堂

手折奇苞遺細君更思持送逸堂人甘寒定可錦綉口看
吐新詩泣鬼神

過金山下作

揚子江中風浪生小舟如葉任歌傾槳搖舟指金山寺霧
暗初疑鐵瓮城絕頂迥分双塔秀層樓危立一僧清它年
來訪結庵地吾与此江春水盟

獨登有美堂

龜趺双峙日星懸讀罷憑欄心浩然繚繞峰峦浮野色參
差樓閣起晴烟湖光淨照山間寺江浪遙連海外天安得
翰林風月手一時摩寫入詩篇

雨中漫成四首

東風渾作勒花寒窈窕林塘不受看玉版崔翎俱未識梨
梢空有羽闌干

向老逢春懶問花惡風吹雨故斜，一城桃李應漂尽不
到城南常杜家

一樹山礬宮樣黃曉風微送雨中香鼻端空寂誰知許莫
恠雄蜂取次狂

綠見花飛掃不開
只今青子落莓苔
當時一啖冰雪面
曾動揚州詩興來

送王山人

林風蕭瑟賦歸歎
此士懸知食有魚
我亦羨君無奪翫
長沙終負過秦書

謝幼槃文集卷第七